



Broj: 10/E-11-864/23
Sarajevo, 06-03-2023 godine

Na osnovu člana 70. stav (1), (2), (3) i (6) i člana 98. stav (2) tačka a) Zakona o javnim nabavkama Bosne i Hercegovine ("Službeni glasnik BiH", br. 39/14 i 59/22) u daljem tekstu: Zakon, Pravilnika o postupku dodjele ugovora o uslugama iz Aneksa II. Zakona ("Službeni glasnik BiH", br. 2/23), člana 69. Statuta Općine Centar Sarajevo – Prečišćeni tekst («Službene novine Kantona Sarajevo», br. 23/04), a na prijedlog Komisije za nabavku roba, usluga i radova II, imenovana rješenjem Općinskog načelnika broj: 10-45-1695/23 od 23.02.2023.godine, u daljem tekstu: Komisija II, u postupku javne nabavke poštanskih usluga (Zapisnik o pregledu i ocjeni ponuda broj: 10/E-11-864/23 od 28.02.2023.godine), Općinski načelnik d o n o s i:

ODLUKU O IZBORU NAJPOVOLJNIJEG PONUĐAČA

- I. Prihvata se ponuda ponuđača **"JP BH POŠTA" d.o.o. Sarajevo, ul. Obala Kulina bana broj 8, 71000 Sarajevo**, broj: 01-11-9-3482/23 od 24.02.2023.godine, za nabavku poštanskih usluga, putem Aneksa II. Zakona o javnim nabavkama, u ukupnom iznosu od **924,20 KM bez PDV-a (zbir svih jediničnih cijena)**.
- II. Ova Odluka stupa na snagu danom donošenja i dostavlja se ponuđaču koji je učestvovao u postupku javne nabavke u roku od 7 dana, shodno članu 71. Zakona.
- III. Ova Odluka objavit će se na web-stranici Općine Centar, www.centar.ba, istovremeno s upućivanjem iste ponuđaču.

O b r a z l o ž e n j e

Postupak za javnu nabavku poštanskih usluga, putem Aneksa II. Zakona o javnim nabavkama, pokrenut je Odlukom Općinskog načelnika o pokretanju postupka broj: 10/E-11-864/23 od 16.02.2023.godine, Javni poziv za dostavu ponuda predmetne nabavke objavljen je na portalu javnih nabavki www.ejn.gov.ba, Obavještenje o nabavci usluga iz Aneksa II broj: 848-9-2-3-22-41/23 od 17.02.2023.godine.

Procijenjena vrijednost javne nabavke iznosi 282.200,00 KM bez PDV-a. Za predmetnu nabavku se predviđa zaključenje ugovora sa izabranim ponuđačem i to na period trajanja od dana obostranog potpisivanja ugovora do 31.12.2025.godine.

U određenom roku za predaju ponuda, 28.02.2023. godine do 13,00 sati, dostavljena je ponuda ponuđača: „JP BH POŠTA“ d.o.o. Sarajevo.

U skladu sa članom 63. Zakona o javnim nabavkama (u daljem tekstu: Zakon), Komisija II je u zakazano vrijeme pristupila javnom otvaranju pristigle ponude i nakon što je utvrđena urednost dostave, pročitana je cijena ponude, kako slijedi:

R.br	PONUĐAČ	Ukupna cijena bez PDV-a (zbir svih jediničnih cijena) (KM)	Popust	Ukupna cijena sa PDV-om i popustom (zbir svih jediničnih cijena) (KM)
1.	"JP BH POŠTA" d.o.o. Sarajevo	924,20	-	924,20

Nakon izvršenog otvaranja ponuda Komisija II je pristupila detaljnoj analizi dokumentacije priložene uz ponudu u smislu provjere njene validnosti, obzirom na iskazane zahtjeve ugovornog organa u tenderskoj dokumentaciji, procedurama utvrđenim tenderskom dokumentacijom i u skladu sa Zakonom, odnosno pripadajućim podzakonskim aktima.

Komisija II je uvidom utvrdila da dostavljena ponuda ispunjava formalno pravne, ekonomske i tehničke uslove odnosno zahtjeve Ugovornog organa. Konstatovano je da je ponuda prihvatljiva.

Komisija II je u daljem radu donijela jednoglasnu odluku da se Opštinskom načelniku dostavi

PREPORUKA O PRIHVATANJU PONUDE

Ponuđača "JP BH POŠTA" d.o.o. Sarajevo, ul. Obala Kulina bana broj 8, 71000 Sarajevo, broj: 01-11-9-3482/23 od 24.02.2023.godine, za nabavku poštanskih usluga, putem Aneksa II. Zakona o javnim nabavkama, u ukupnom iznosu od **924,20 KM bez PDV-a (zbir svih jediničnih cijena), sa kojim će biti zaključen Ugovor na period trajanja od dana obostranog potpisivanja ugovora do 31.12.2025.godine.**

Nadalje, Opštinski načelnik u postupku ocjene nije našao razloge, niti nepravilnosti u radu Komisije II koji bi eventualno bili osnov za neprihvatanje preporuke Komisije II, te je odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke shodno članu 101. Zakona. Naknada za pokretanje žalbenog postupka iznosi 3.500,00 KM u skladu sa članom 108. stav (1) tačka d) Zakona.

Žalba se podnosi u dovoljnom broju primjeraka, a koji ne može biti manji od tri.

Prilog: Zapisnik o pregledu i ocjeni ponuda
Broj: 10/E-11-864/23 od 28.02.2023.godine

DOSTAVITI:

1. Ponuđaču:
"JP BH POŠTA" d.o.o. Sarajevo, ul. Obala Kulina bana broj 8, 71000 Sarajevo
2. Službi za finansije
3. Službi za opću upravu
4. Kabinetu Općinskog načelnika – Odsjek za javne nabavke
5. Arhivi



OPŠTINSKI NAČELNIK

Srđan Mandić